



საქართველოს მეცნიერებათა ეროვნული აკადემია

ქართული ენციკლოპედიის ი. აბაშიძის სახელობის მთავარი სამეცნიერო რედაქცია

კვანჭახაძე ვასილ ალექსის ძე

კვანჭახაძე ვასილ ალექსის ძე (2.11. 1858, ცხინვალი, – 1919 შემდეგ, რუსეთი), რუსეთის იმპერიის არმიის გენერალ-მაიორი (1913). დაამთავრა ვორონეჟის სამხ. გიმნაზია (1874), თბილ. იუნკერთა სამხ. სასწავლებელი (1878). 1901-მდე მსახურობდა კავკასიის სასწავლო ასეულში და კავკასიის მე-4 მსროლელ ბატალიონში. 1901-03 – ივანგოროდის ქვეით პოლკში. მონაწილეობდა რუსეთ-ოსმალეთის (1877-78), რუსეთ-იაპონიის (1904-05) და I მსოფლიო (1914-18) ომებში. 1904 წ. 6 დეკ. მიენიჭა პოლკოვნიკის წოდება. 1906-07 მეთაურობდა ბაქოს გუბერნიის სამხედრო რაიონს, 1907-13 – 206-ე ქვეით პოლკს. 1913-16 იყო 52-ე ქვეითი დივიზიის მე-2 ბრიგადის მეთაური. სამოქალაქო ომის დროს მსახურობდა „მოხალისეთა არმიაში“. დაჯილდოებულია წმ. ვლადიმირის, წმ. ანას, წმ. სტანისლავის სხვადასხვა ხარისხის ორდენებით, ასევე სპარსეთის „ლომისა და მზის“ ორდენით, წმ. გიორგის ოქროს იარაღით.

ლიტ.: Го г и т и д з е М., Военная элита Кавказа (Генералы и адмиралы из Грузии), кн. 1, Тб., 2007.

მ. კოჭიტიძე
